

大哀經卷第一

西晉三藏竺法護譯

周三

莊嚴大會法典品第一

聞如是一時佛在王舍城靈鷲山古昔諸佛之所遊居如來威神之所建立其地道場諸菩薩衆所共咨嗟無極法座天龍鬼神犍沓和等咸俱歸命稽首爲禮而於佛土宣暢德本如來威光慕樂法門菩薩神明等入無量無限功德如來所行成等正覺轉妙法輪爲極元首善宣開化於一切法而得自在所度

無極明曉衆生志性所趣覩其諸根便度彼岸曉了一切蠲除罣礙諸所止處爲作佛事而無俗業堅住於行莫能當者大比丘衆六百萬人一切仁明滅除塵欲無衆蔽礙則爲如來法王之子行深妙法其所由生不從顛倒柔軟和雅威儀禮節而皆備悉爲大衆祐如來之道而得親近諸菩薩衆不可稱計行無罣礙決了普智諸通敏慧又諸大菩薩大慈大哀興布法雲而演電明爲雨甘露飽滿衆生久遠飢渴等心一切執志如地諸所妄

想倚著結縛皆已除棄熙隆弘恩道品之法三十有七猶如日殿聖慧之宮明智光曜靡所不照滅大幽冥顯示世間指其道路宣其德本若如蓮華開闔之時枯竭恩愛志深湧池興立正業具大神通遊於虛空譬_二如月宮照乎夜暗所可遊行等心衆生得其志性靡不欣悅善權方便有益無損至於道誼亦無增減普現所行志若須彌堅住不動常修梵行供養三寶於諸境界無能移轉過諸世間之所有法毀訾誹謗現於一切諸佛國土而

現親厚神曜遠照志如大海其器廣大盛滿法水修菩薩行一切衆生之所宗戴猶如師子君主最尊奉四聖諦懷於大悲心_三慕慈愍寂然觀察所察普顯於深妙法而無所畏壞諸外道於無央數百千諸劫究竟無底其若菩薩行不以懈倦一切諸德悉已具足其名曰普觀見無盡菩薩皆觀諸國莊嚴徧現菩薩如來種性成就無退菩薩威儀化衆示無瞋恚菩薩無量辯才幢英變音菩薩積累清淨金光威神王菩薩分別光明辯解散句善

薩生無量福積累親業菩薩如是等類無數
菩薩於是世尊頒宣法門名曰生諸菩薩佛
成正覺時十六年見諸梵行普皆興盛覩諸
菩薩咸來集會欲演如來諸持法藏而衆開
士皆悉雲至佛自念言吾寧重增諸菩薩行
使得將護興立道行曾有經典講無蓋門如
來所爲無極變化爲諸菩薩大士之衆當令
進入如來境界於時世尊以佛境界變現如
來三昧正受佛適以此佛境界變現定意正
受衆祐聖旨上虛空中自然高座如三千大

千佛土廣大高速上至欲界及無色界悉佛
正行如來功德之所興化諸菩薩衆性行清
淨照於十方諸佛世界悅可無量衆生意行
一切諸天龍神宮殿靡不照曜請召十方諸
菩薩等咨嗟無量名德之稱悉坐無數重閣
交露或有紫金以爲牆壁吉祥藏寶以爲軒
周三窓以碼碯寶而作戶牖明月藏寶以爲欄楯
離垢光寶以爲戶扇以普明寶而爲重閣一
切衆寶而爲垣障垂諸貫珠豎衆幢旛而然
庭燎懸諸繒蓋上好栴檀而用瑩塗異妙栴

檀可意衆香懷來越度海中名香而用然之龍所出寶若干種華而散其上衆寶之樹羅列而行諸寶香爐巍巍微妙其所光飾普周十方諸佛世界清淨奇妙歡悅人心普悉現於高座之中其師子座不可稱數億百千垓而自然現高座瓔麗廣長而峻衆所欽樂莫不欣慶此四大域所有部界則自然生四萬宮殿而甚高大又其欄楯高四丈九廣二十里以夜光珠離穢寶珠梵英寶珠懸在旛蓋而以紫金莊飾交露出自然音從地以上乃

至高座又既崇妙自然化成無有作者如是此四域所興變化三千大千世界亦復如是諸有四域悉等無異皆自然生無極宮殿於時世尊安隱寂然從三昧起應時三千大千世界六返震動其大光明靡所不照佛與菩薩諸弟子衆眷屬圍繞諸天在上歌詠功德而雨衆華散諸天衣覆蓋虛空燒衆名香箜篌樂器而自然鳴十方佛國皆自然動光照無量諸佛國已佛大神足無極變化境界無限威神無際聖光無邊感動無底於靈鷲山

忽然不現與大眾俱諸天龍神捷菴和阿須

倫迦留羅真陀羅摩睺勒侍從世尊欲聽經
法又四天王與諸天俱見佛世尊欲詣講堂
於上^四义手雨諸天華供養大聖以偈讚曰

日月之威曜

周三

明珠天炎暉

四

佛光悉蔽之

消滅三惡道

其明徧佛土

越須彌鐵圍

悉歸命最勝

咸各懷踊躍

時四天王從諸天人各以此偈讚世尊已欣
戴無量時天帝釋與忉利天見於大聖欲詣
大殿至高座所則施供養雨諸天香散于佛

上义手以偈而歎頌曰

神足度無極 顯變化無等 現千億佛土
最勝日以出 降伏諸魔界 普德淨莊嚴

其神足自在 稽首無等倫

忉利諸天偈讚佛已侍從世尊時須焰天王
見佛欲詣宮殿佛高座所雨於天衣义手讚
佛

安住慧無量 普知衆生性 無著如虛空
皆達三世事 一心入諸行 悉曉群生性
是故可奉敬 三世悉戴仰

時焰天王偈讚佛已侍從世尊兜率天王與諸天俱見於世尊欲詣宮殿大高座所雨天珍寶而供養佛又手讚曰

宣暢於經義 觀如幻野馬 彼則無文字
何有意猶豫 與愍哀衆生 故佛讚尊法

歸知法自然 勝曉無吾我

時兜率天王偈讚佛已侍從世尊無憍樂天王與諸天俱見於世尊欲詣宮殿大高座所雨寶瓔珞供養上佛又手讚曰

顯示于法身 十方如虛空 最勝現色像

愍哀而開化 宣法無有色 最勝行普平
禮法自然慧 明識一切議

無憍樂天以偈歎佛侍從世尊化自在天與諸天人見於世尊欲詣宮殿講堂高座雨天寶珠而供養佛又手讚曰

禁戒離諸垢 則立於清淨 勸化甚高尊

定意不可動 智慧無等倫 如海無瞋恨
已度於終始 自然立相輪 稽首得自在
自然立相輪 顯修于慈哀 神聖之足底
解脫三徑跡 稽首佛德行 從本此爲先

則以慈哀故

增加以平等 以寂然爲華
猶如蜂之王 勸化諸眷屬
以頭腦稽首 善建立禁戒
精進之勢力 超殊無能逮
甚尊不可動 懈哀爲清淨
智慧離垢穢 威明消閻冥
咸共歸稽首 則爲無極覺
其脫門之跡 音暢於虛空
光明照十方 衆生華百千
覓了離垢穢 稽首無所著

解脫成其實
安住如蓮華
住於安諦地
稽首正品類
道場成光曜

何能有倫匹 求之於十方
功勲甚衆多 一切德備悉
其志無飽滿 阿須倫諸龍
無數諸天人 倭共歎其德
衆多難思議 舉譽禮世尊
周三化自在天偈讚佛已侍從世尊於時世尊則
以無量佛之境界感動變化爲百千天人所
共嗟嘆詣寶高座時佛世尊適昇高座四域
宮殿悉知見之一切三千大千世界諸在四
域皆復如是悉知見之於時大聖坐於三千

寶護高座師子之牀諸菩薩衆及大弟子亦復次坐於是大聖有三昧名無蓋法門娛樂以此定意正受佛適三昧聖體諸毛一一毛

孔各出江河沙等光明威曜盡照東方諸佛世界靡不周至南西北方四隅上下亦復如是盡照諸界徧無遺漏所照十方諸佛國土應時諸土一切地獄勤苦拷掠悉爲休息畜生解脫餓鬼得安時諸衆生諸患消除不爲姪怒愚癡所惑而無瑕穢塵勞之難慈心相向共相瞻視如父如母如兄如弟如子如身

無異如來光明照諸菩薩諸菩薩衆承佛威神光曜之中說此頌曰

精進力無量 廣普無所住 又以精勤力

越度億載劫 十力功流布 普達於十方釋迦文威光 廣照於一切 其欲求法宜

周三

故往百千土 禮佛聽尊法

七 而至忍世界

其在兜率天 十方諸菩薩

斯等察此光

佛演安衆生

魔塵異學衆

降此精進力

如蓮華出日

須彌照十方

其身曜無底

暉普於一切

詣彼聽尊法

最勝轉法輪

今日無等倫 頒宣無比經 十力愍衆生
故轉尊法輪 今日衆集會 廣普難可遇
篤信欲見佛 今當詣忍土
爾時光明普告十方諸佛國土說斯頌已動
諸佛國安於衆生曜諸法界淨除一切塵勞
之境滅衆幽冥弊魔宮殿與諸菩薩無數眷
屬還迴忍土在佛頭上忽然不現于時東方
無量功德寶福普辭世界其佛號離垢淨光
海華無斷光言王如來佛土有菩薩名首藏
華諸法自在彼光所請與十江河沙等諸菩

薩衆會眷屬圍繞忽沒彼土須臾之頃至此
忍界詣寶高座住世尊前稽首足下繞佛萬
匝雨夜光珠衆寶瓔珞供養散佛以頌讚曰
十力功勲髮 皆達於十方 喏歎無等倫
德祚度彼岸 我等所詣土 欲聽經法故
一切聞名稱 釋師子之號 世尊為平等
離垢光普曜 如諸法無本 亦無有瞋恨
見光曜衆生 輒令得解脫 爲諸法之王
如幻師善學

時諸菩薩無央數衆嗟歎佛已各神足力悉

化作座而坐其上南方佛辯世界無量德寶
辯如來佛土有菩薩名寶柱與十江河沙等

諸善薩俱眷屬圍繞在於彼土忽然不現須
臾之頃至此忍界詣寶高座住於佛前以白
珠交露覆蓋佛上稽首足下繞佛萬匝以頌

周三

八

讚曰

世尊悉周徧 慇雨於衆生 開闔光明焰
以空無吾我 以八平正路 消竭塵欲渙
寂祕諸樹王 長育清白珠 則以智慧光
化滅陰冥母 夢久寐衆生 瀦沒終始流

爲顯示正路 消竭恩愛池 令逮清淨眼
使度如前勝

時無數菩薩頌讚佛已各神足化變作其座
皆自處上於時西方照曜世界普明如來至
真佛土彼有菩薩名顯音契王與十江河沙

等諸菩薩俱眷屬圍繞在於彼土忽然不現

須臾之頃至此忍界詣寶高座住於佛前兩
瑛真珠供養世尊稽首足下繞佛萬匝以讚

頌曰

其聖體之行 猶如虛空界 所願悉清淨

劫數無有量 其身淨無垢 永無有衆漏
能周於十方 無思議佛土 所講如時雨
雷震梵妙音 悅可群萌類 應如志所慕
其心無所行 亦無有不行 所演暢諸音
出應衆生心

時無數菩薩頌讚佛已各神足化變作其座
周三九
皆自處上於時北方衆寶錦界無量德寶光
如來佛土彼有菩薩號曰海覺與十江河沙等諸菩薩俱眷屬圍繞在於彼土忽然不現須臾之頃至此忍界詣寶高座住於佛前稽

首足下繞佛萬匝以頌讚曰

體色紫磨金 覺施以寂然 善照於十方
快普現其身 其體無儔匹 衆人若觀察
則滅諸欲塵 欣豫長安隱 最勝諸學子
瞻戴世光明 其志咸欣仰 如須彌頂王

皆諸神足力 若干種變化 不能見最勝
頂上之威相

時無數菩薩頌讚佛已各神足化變作其座
皆自處上於時東南方無憂世界除衆疑冥
如來佛土有菩薩名普曜與十江河沙等諸

菩薩俱眷屬圍繞在於彼土忽然不現須臾之頃至此忍界詣寶高座住於佛前稽首足下繞佛萬匝以寶交露供養上佛以頌讚曰於一毛孔裏懷無限佛土衆生不以患國土不迫迮最勝救濟行爲諸無眼目

諸佛爲最妙

諸勝之光明

以一之刹土

以頌讚曰

暢無數佛國其諸所顯現隨如應方便神足所感動

大稱隨時入

普入一切變

時無數菩薩頌讚佛已各神足化變作其座

皆自處上於時西南方善觀照世界大哀觀衆生如來佛上有菩薩名思於大哀與十江河沙等諸菩薩俱眷屬圍繞在於彼土忽然不現須臾之頃至此忍界詣寶高座住於佛前稽首足下繞百千匝前兩妙衣服供養於佛稽首足下

周三

+

禁戒甚清淨人尊如寶珠長夜自將護如犧牛愛尾見於毀禁者加之以愍哀不自歎己身不訾毀他人住如須彌山意定不可動智慧如江海尊超於神靈

已度一切有爲爲縛刑獄化億載衆生

療其塵勞病

時無數菩薩頌讚佛已各神足化變作其座
皆自處上於時西北方離暗冥世界光淨王

如來佛土有菩薩名光曜網與十江河沙等

諸菩薩俱眷屬圍繞在於彼土忽然不現須
臾之頃至此忍界詣寶高座住於佛前以寶
瓔珞之具用覆佛上稽首足下繞百千匝以
頌讚曰

身覺了生死

猶如幻師化示現所感動

如幻無所有假如幻師化衆生皆如茲
其界不可得衆生無自然如人卧寐夢
覩見若干形寤則無所見諸色想無爲
聖說法如寤

有爲從念生見有所退轉

不退不迴還

時無數菩薩頌讚佛已各神足化變作其座
皆自處上於時東北方住淨離垢世界空城
離垢心如來佛土有菩薩名覺無底離垢與
十江河沙等諸菩薩俱眷屬圍繞在於彼土
忽然不現須臾之頃至此忍界詣寶高座住

於佛前以常鼓音交露覆蓋佛上稽首足下
繞百千匝以頌讚曰

明識深妙法 等解於自然 省察諸空相
一切諸所生 普知一切世 衆生心所趣
其心如虛空 清淨慧無底 群黎之所行
三世諸馳逸 一心一時行 悉知諸所有

無有衆生想 其心諦離念 已除衆妄想

善權普平等

時無數菩薩頌讚佛已各神足化變作其座
皆自處上於時下方照明世界青蓮首如來

佛土有菩薩名曰辯嚴與十江河沙等諸菩
薩俱眷屬圍繞在於彼土忽然不現須臾之
頃至此忍界詣寶高座住於佛前以明珠交
露共覆佛上稽首足下繞百千匝以頌讚曰
如億載佛土 其中所有塵 安住諸子孫
來詣於最勝 各欲自啓問 無數億千劫
則以一文字 意化於一切 聖慧不可喻
權智無等倫 總持定無量 功德無涯底
洪勲無能限 頌宣無數劫 毛孔所咨嗟
不可盡究竟

時無數菩薩頌讚佛已各神足化變作其座
皆自處上於時上方莊嚴世界名稱如來佛
土有菩薩名諸法變王與十江河沙等諸菩

薩俱眷屬圍繞在於彼土忽然不現須臾之
頃至此忍界詣寶高座住於佛前一切莊嚴

同三
衆寶紫金交露之帳覆蓋佛上稽首足下繞
十三

百千匝以頌讚曰

一切安住業 今顯無涯底 於心得自在
導師行亦然 獨諸佛所知 非衆生所行
如空無邊際 群庶本如此 其行無儔匹

今日顯無底 成佛轉法輪 導師滅度如
猶若有所種 法不失果實 十方諸最勝
不可稱限量

時無數菩薩頌讚佛已於虛空中各神足化
變作其座皆自處上

歡會品第二

彼時須臾之間十方菩薩悉會面現其菩薩
衆不可稱限無能計會億百千數莫能稱載
光明所勸集於忍界詣寶高座住世尊前時
佛晏然從定意興其明晃照自然音出其自

然音普告三千大千世界令聞其教于時佛
土信不信者已爲應器比丘比丘尼童男童
女人與非人天龍鬼神犍沓和阿須倫迦留
羅真施羅摩睺勒聞佛音詔身心坦然加敬
悚息承佛威神自然而有妙寶宮殿悉共趣
周三
之須臾之間至寶高座稽首佛足繞聖三匝
各就牀榻又此光音告勅梵天梵忍天王梵
身天王梵滿天王梵度著天王大梵天王光
曜天少光天無量光天光音天淨嚴天少淨
天無量淨天難還天淨身天用果天無健天

於是天善施天善所施天一善天如瞬之頃
集寶高座稽首足下繞佛七匝不處地上自
處其座於時世尊覩見大衆僉然來會有神
光曜名曰顯現諸菩薩力眉間演出於比光
明繞諸菩薩七匝竟已於諸菩薩頂上而沒
時有菩薩名首藏華諸法自在遇此光曜應
時逮得一切莊嚴定意適三昧已其寶高座
自然爲佛有師子座高八十億垓百千之尋
妙寶爲足眾珍欄楯妙衣敷上一切諸華以
散其上悅意諸寶以爲嚴飾一切菩薩覩此

緣變斷絕所慕皆令衆會自覩其明可悅一切衆生現其心意所欲求願尋時皆了無有猶豫時首藏華諸法自在菩薩復以讚歎施諸惡趣三昧正受別化如來大師子座庠序安隱從三昧起恭恪欽敬又其十指以頌讚

佛

其日光明者 但照世俗耳 天帝威神德
管從樂忉利 其梵天尊王 慕戀梵天上
佛之聖威化 變動界若此 觀察法自由
自然如虛空 若幻野馬比 亦如水中月

諸所作所造 悉爲無有主 晓了如詭詐

見衆生清淨 其心慕於色 斯色何所在

其心爲自然 所由皆不實 一切雖清淨

此亦如幻化 其於自然者 虛偽何有處

能分別本淨 執御心鮮潔 其境從容來

彼無有塵欲 用三思想念諸念 其心已脫此

則見若干種 幻化之所爲 虛空無所有

從地而出生 顯示國土地 若干明珠寶

向者爲法王 建立師子座 當處於此座

開化億衆生 跡立繒旛蓋 大幢諸嚴飾

此無所從來亦無所越至若能曉諸法
無所從來者便能爲衆生現諸勝變化
大聖梵音聲所演善哉快爲世巨庭燎
威神德無極愍傷吾之故當昇處高座
講說於經典斷生老病死其清淨衆生
十方來會此各各次第坐欲聽愍法誼
本所因發舉願解於此慧聖在師子座
安詳頒宣法於是世尊見首藏華諸法自在
菩薩志性清淨即便處於大清淨法師子之座尋時講說

諸菩薩行當所立趣又有經典名無蓋門淨
菩薩道諸佛法力成就寶身聖明屋宅於一
切法而得自在入總持中分別解說剖判入
門大神通慧入於微妙不退轉輪無能迴還
導御一切諸定意乘入於一乘無毀法界說
衆生性根原所趣爲之唱導解發諸法毀壞
周三十五諸魔入應真法去諸塵勞六十二見開化當
入柔順之法令諸愛欲邪見我慢入無礙慧
勸助衆德普無不接頒宣權慧皆入一切佛
平等聖悉無陰蔽無處所門所宣諸法分別

如議入於諸法無念不念無應不應覺了深妙十二緣起聖慧功勲乃達魔天佛身口意皆今莊嚴所念志趣智慧明達而不可盡入于聖諦開化聲聞曉心所歸緣覺之律普得一切諸慧境界諸菩薩律一切所入於法自在頌宣如來功勲名稱時佛講說如是比像無極法典說是語時教化告勑諸菩薩德所願至誠悉已具足示現如來變化感動解諸衆會狐疑結網降攝一切諸魔之境光顯如來訓誨之義備佛大業欲使具足是故世尊

處師子座宣無蓋門於時寶幢菩薩承佛聖旨用佛莊嚴三昧正受令普衆會致佛莊嚴建立威神時名聞力菩薩承佛聖旨用紅蓮華三昧正受建立衆會一切諸華合成法華以此衆華散於世尊一切菩薩三昧海菩薩承佛聖旨以衆香定三昧正受使諸毛孔建立演出妙味栴檀四明網菩薩承佛聖旨以光明定三昧正受令一切光建立衆會靡不蒙安五大哀念菩薩承佛聖旨以無瞬定三昧正受建立衆會瞻戴如來目不敢瞬六離

塔察無底菩薩承佛聖旨以法悅定三昧正受建立衆會慕樂正法好法志法樂以法樂七辯嚴菩薩承佛聖旨以顯跡定三昧正受建立衆會皆令蠲除五蓋之患八變諸法王菩薩承佛聖旨以無忽忘三昧正受建立衆

開三

十六

會志在佛道慕如來行九心勇菩薩承佛聖旨建立衆會使伏諸魔及外怨害靡不從化十降諸魔菩薩承佛聖旨以毀魔場三昧正受適三昧已應時三千大千世界所有衆魔其數百億及諸魔兵速疾速疾各從宮殿忽

然不現詣寶高座住於佛前稽首足下繞於世尊無央數而不可稱計竒異妙物供養大聖恭敬悚息一心又手勸助天師頒宣經典惟願以時開化說教吾身今日降魔菩薩威神所建故來勸助惟天中天吾當放捨所作魔事不亂衆生今以法故來至於斯由是大聖當察吾身志操所趣於時世尊察魔心念讚曰善哉善哉諸仁者等汝黨乃能放捨魔事勸助如來今說經法緣是之故汝等之身因此獲報皆當越度一切魔業所以者何猶

百千歲屋室闇冥一燈入中尋即消昧如是
諸仁於百千劫興發塵勞闇冥之欲一善本
心力之所變消滅衆患令無有餘譬如諸仁
一日之宮一月之殿一大寶珠一一各出光
明之曜消除衆冥如是諸仁一心善本觀其
修行而念應順皆除一切無明衆冥六十二
見九十六逕衆患之難以是之故今日諸仁
觀見如來加復勸助因此德本稍漸蠲除一
切無慧愚癡之冥當獲無極道法之門

音釋

捷	沓	和	梵語也亦名軋闔婆此音撻臣言切沓達合切	闔	云
也	又	半	渙他與汗與久切穿壁以	切	闔
開	也	渙	垢渴也	闔	羽委
擗	落	干	坎勾擗也	擗	切
食	戶	切	闔檻也	闔	開
白	土	飾	燎葦以爲燭也	燎	云
壁	日	墻	葦以爲燭也	墻	梵語也亦名軋闔婆此音撻臣言切沓達合切
堦	堦	古哀切	正作	闔	闔
十	京	曰	垓	闔	闔
考	掠	考掠	打也掠力	考	云
掠				掠	梵語也亦名軋闔婆此音撻臣言切沓達合切
莫	風	切	寐	闔	闔
寐	寐	藏	寐彌二切寢也	寐	闔
寐	寐	爲	寐五故切寢也	寐	闔
寐	寐	立	寐覺也	寐	闔
也	也	也	寐覺也	寐	闔

永樂北藏

大哀經

第二六冊